

عز أحمد الكريّمات

العمر عداء وفان

خواطر أدبية

الطبعة الأولى ٢٠١٧

بطاقة الكتاب

عنوان المؤلف : العمر عدا وفات
المؤلف : أبو العز أحمد الكريمت
التصنيف : خواطر أدبية
رقم الإيداع : 2017-27629
عدد الصفحات : 100 صفحة
رقم الإصدار الداخلي: 67
تاريخ الإصدار الداخلي: 2017-12
تصميم الغلاف والتنسيق: الشاعرة منى الغريب

جميع حقوق الطبع والنشر محفوظة للشاعر، ولا يحق لأى دار نشر طبع
ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

alnilwaalfourat@gmail.com alnilwaalfourat

المقر الرئيسي: ج.م.م. محافظة الشرقية - العاشر من رمضان - مجاورة 13 - أمام سنتر الـ 13 - عقار 304

الزمن الجميل

أيام في زمن جميل
عدا على العمر وفات
اين أنتم ياللى قضيت معاكم
أحلى واجمل الذكريات
جلستوا وتركتوني أرحل إلى الغربة
واتوه وسط البلاد والطرق

كان نفسى أعيش معاكم
حتى نهاية العمر والممات
رحلت وكلى حنين للماضى اللى فات
لم ار مثل ذكراكم فى حياتى
كان لى معاكم اجمل الحكايات
انبهرت بالقاهرة وأعياد الميلاد
والزينات والبالونات
حتى الزحمة فى الشوارع
وكثر السيارات
حتى لبس البنات
غريب عن بلدنا فيه
بنطلونات وفساتين وفسات
كلوا يختلف عنك يا سعيد
يا قليل الفن والفنانات

كان نفسى أعود اليكم
وتحقق الأمنيات
مع السلامة يلى كنتوا فى حياتى
أجمل وأحلى واعز الذكريات

.....

مصر الهوى

أذوب شوقاً فى هواك

يا من ملأت بالحب حياتى

حبيبة قلبى وعمرى وحياتى

أحببتك حتى احترق فؤادى

يا زهرة رائحة عطرها يملأ الوادى

صعب يوماً ألا أراك

عندما تمرضين
يزداد نحيبى كالطفل الباكى
أين أنتى ممن هواك
وكل جوارحى تبغاك
لماذا اختفيتى ولم اراك
هل شيئا عكر صفوك
وبنيتى جدرانا وطاح بناك
دائما أسعى لرؤياك
أبناءوك يريدون العيش تحت سماك
لماذا تركتهم يقعون فى الهاوية
أو يتيهون فى الوادى
أمى عندما ينزل دمك يحرق فؤادى
أمى من كثرة الدموع إبيضت عيناك
من يأتينا بقميص يوسف ويرميه على عيناك

لكى يعود النور كما كنتى فى صباك

أمى من المسؤول

الذى أبكاك على الشهيد ضناك

اننى بكيت على إخوتى

وتمزقت من الداخل أحشائى

لماذا رحلتى ولم اراك

هل تعودين ولا أعيش على ذكراك

حكاية مصرية

بحكليك يا بلدنا عن ماضينا وحاضرنا

عن ايام صعبة وحزينة

عن ناس للتراب سففونا

عن ناس بالحداء داسونا

بحكليك يا بلدنا عن أرض بتضيع منا

بحكليك يا بلدنا عن ميه تصبح بالقطره يا حزينه

وسد النهضة هيضيع أحلامنا وأمانينا

بحكليك يا بلدنا عن شاب مصرى

نزلت دموعه لحظة الفراق عند المينا

بحكليك يا بلدنا عن فرحة

ليلة ثورة كانت نهياتها حزينه

بحكليك يا بلدنا عن أطفال شوارع

ملهومش ذنب ولهم فى البلد زينا

بحكليك يا بلدنا

عن ست عاشت أيام صعبة

وربت أطفال يتيمه

عن صرخة أم الشهيد

قطعت قلوبنا وأثرت فينا

بحكليك يا بلدنا

عن شمس الحق غابت عنا

ليه يا بلدنا حضنك

بقى ناشف علينا

ليه مش راضية تحضنينا

ليه يا بلدنا سبتينا للدنيا تتوه فينا

وعلى بر مش راضية ترسينا

.....

جوه القلب

ياللى دخلت القلب من جوه
جيت انا وانتة فى زمن مش هوه
بعد ما راحت الحيل والقوة
حبيبى ما يهمنش مين انت ومين هوه
احنا فى عصر السرعة والقوه

ما الحب دخل قلوبنا بالقوه
خلينى لحظة خالدة فى القلوب من جوه
يارب الدنيا ما تظلمنى انا وهوه
ببكى عليك من الحشا من جوه
حتى لليلة ضلمة
محدث ينور طريقى غير هوه
حاسس ببك وكلى مشاعر من جوه
واوعى تفكرنى قوى من جوه
ما انا ضعيف أمام حبك
وما عنديش عزيمة ولا قوه
ولكن من كتر الحمول
الظهر انكسر مننا بالقوه
زمن الحبابيب عدا ولكن راح فين هوه
ومين ياربى فى يحس بى غيره هوه

لأنه عنده نفس الضعف في الحب من جوه

راحت

راحت حبيبة قلبي ووجداني

راحت وتفضل طول العمر وحشاني

لو البشر نسياني إنتى كنتى دائما يامه فكرانى

يا ريت الزمن يرجع وترجعيلى من تانى

وانا فى اللفة وإيداك مسكاني

وإذا مرضت قلبك موجوع عشتاني
و بحبها دائما مراعياني
ولما بأحوال أقف بتجرى عليه وتكونى سانداني
رحلتى وراحت معاكى أحلى أيامى
ولكن صورتك دائما موجودة قدامى
تعبت ياماه والناس ما راحمينى
كان نفسى اشواقك واتمنى تحضنينى من تانى
حتى لو زورتينى فى أحلامى
عايش على حبك ومليان بسيرتك الحلوة وكللى أمانى
إنك ترجعي تزورينى فى أحلامى
أمى يا نبع الحنان اللى راح منى
ومين غيرك دفانى فى أحضانى
حبك دايمًا معيشنى فى دنيا تانى
حبك يكفى الكون ويداوى جروح كانت سكنانى

حبك ينور طريقى وسط الظلام
وعيشنى فى أحلى آمالى
كان نفسى اشوفك وألمح طيفك
حتى لو فى أحلامى
مع السلامة يا أكبر حزن
بعد الفراق ملانى

صرخة شعب

صرخ الشعب وقال على فين رايعين
قالت الحكومة بيكم حاسين وشاعرين
نرسم لكم مستقبل فى الأيام الجايين
واحنا بنصرخ مليونين حزن وأنين
والغلاء دب فى كل مكان يا مصريين

قالوا عومنا الجنية لصالح مين

وارتفعت الأسعار

بشكل جنونى يا بني ادمين

لبن سكر زيت

حتى العدس عدا الثلاثين

حتى الدواء فى الصيدليات

مش لاقين

واحنا يا ناس

بنسف الرمال والطين

عملنا ثورة خمسة وعشرين

وثورة ثلاثين وبرده مش مرتاحين

والغلاية فى الشوارع

ماشين تايهين

مين يرحمهم مين

يدوروا على من يريحهم
مين من الاخوة السياسين
يارب استر على شعب مصر
فى الأيام الجيائين
يدوروا على لقمة العيش
وهما زعلانين ومقهورين

أكنوبر نسييم الحياة

بعد النكسة حس الجيش
والشعب أنه بموت
حسوا بحزن وأسى وأنين
يملاً كل البيوت
جانبوا ليهم سلاح يضرب للخلف

وكل الجيش بيموت
واستنوا ثلاثة وسبعين بفارغ الصبر
علشان نعدى القناة ونفوات
وفى ست ساعات عبرنا
ورفعنا العلم والفرحة دبت كل البيوت
وفى الشوارع فى الموانى
تصرخ الناس وتقول
عاوزين نحرر بلدنا
لو كنا هنموت
وعبرنا خط بارليف فى يوم عيدهم
والحزن فى إسرائيل عم فى كل البيوت
الله اكبر الله اكبر الله اكبر
ملأت مصر والفرحة عمت كل البيوت
ورجعوا الأبطال بالنصر

انتظرناهم بالورود أمام كل البيوت

أنا العاشق

أنا العاشقك يا بلادي مش أكثر

ونفسي أعيش فيك

ولو كل يوم بالتراب متعفر

كفاية يا ناس ارحموني

دا كل يوم يعدى عليا

فى الغربه متحسر
أروح لمين ياخذ بإيدى وينصفنى
ليه أبات أعد النجوم ومتكدر
دا انا الدمع ينزل من عيونى
وليه أعيش بعيد عن الأهل متحصر
ليه كل يوم تذلونى
راح زمن الحبايب والنفاق أكثر
نفسى أحقق فيكى أحلامى
بس الناس بتظلم والقلب متعكر

رياح القدر

من انت التى أتيت لى مع رياح القدر
وحبك ينير لى الطريق مثل ضى القمر
ومن حبك لا أرى النوم وأعشق السهر

وطيفك أمام عيني لا يغيب عن النظر
وعشقك يثلج القلب مثل حبات المطر
دائما أتمنى رؤياك أمام العين والنظر
وحبك لا تغرب شمسهُ من دون البشر
ومن يغضبك ذنب عندي لا يغتفر
ولو رحلت عنى أصل الى الموت المحتضر
فأنت حبيبي الذي أرسله لي القدر

الحزن والأنين

جلست أحاكى الحزن والأنين
حببتي للكلام لا تسمعين
بعثرت كل أوراقك من سنين
تعودت على الحزن والأنين

قلبي ضاع منه الحنين

انتِ بي لا تحسين

نسيتي حبي وعشق السنين

توهتي وسط دروب العشقين

عودتيني على الفراق من سنين

شمسك تغرب منى لا تعرفين

لا يبقى سوى حطام العشقين

وأصبحتي انتي من الخاسرين

ولست انا لكى من الامنين

وداعا يا حبي غير الامين

عودیلی

طیفك دائما امامی

وقلبي يعشق هواك

غيابك أحرق فؤادی

لم أر مثلك في الوادی

قلبي عليكى ينادى
أين انتِ من هوائِ
رحلتى ولم أراكِ
من عكر صفوكِ
هل طاح بناكِ
قلبي دائما ييبغكِ
حبيبة قلبي وفؤادى
بحثت كثيرا ولا القاكِ
غيابك قطع أوصالى
دمعك يحرق فؤادى
عودى الى أشواقى
قلبي عليكى ينادى

انسى يا قلبى

ليه يا قلبى تمشى فى دربهم
الى نسيوك لازم تنسى حبهم
وتمشى فى طريق غير دربهم
ولا يصعب عليك بكاهم ودمعهم

دا اللى باعوا
إوعى تانى تروح لهم
غير طريقك وابعدهم
ولا فى يوم نسيوا جرحك
وافتكروا ليك حبهم
ما تنساش يا قلبى إنهم باعوك
ولا فى يوم حاولوا يرضوك
وعمرهم ما كانوا
فى ظهرك يسندوك
إبعد بقى يا قلبى عنهم
اللى باعوك فى عز فرحهم
لازم تبعد عنهم فى حزنهم
كانوا عاملينك لعبه فى أيدهم
علشان تمشى فى ظلهم

لما وصلوا للمراد ارتاح قلوبهم

انسى وابعد يا قلبى عنهم

رحلة عذاب

أنا اللى حبيبك

جرى فى الدنيا إيه

هو الحب من قلبك غاب

تركتنى ونسيتنى

إيه اللي جرى للأحباب
نزلت دموعى سيل حرقت خدودي
أنا اللي كان بينى وبينك حكايات
تملى كتاب وكتاب
هو انت ليه أصبحت كده كداب
تعيشنى فى سعادة وبهجة
وبعدين ترمينى وسط الضباب
هانت عليك العشرة يا كداب
راح والله زمان الأحباب
خليت عقلى منى غاب
انا اللي كنت ليك طوع
لكن انت قفلت الباب
لو فتحوا قلبي يلاقوك فيه
أنت أعز الأحباب

دسيت السم فى العسل
وقتل حب الأحباب
بعد هجرك الحلو
فى حلقى مرة داب
دنيا غريبة وفيها كثير
من عنيتك كداب
خلاص مش هينفع بينا العتاب
وكل شئ بينا انكسر
وخيم عليه الضباب
انتى مين وانا مين
كنت زمان أعز الاحباب
تركنتى بعد العمر ما ولى منى وغاب
وعيشتنى بعد العمر ده فى عذاب
روح الله يجازيك يا كداب

حسنتك

حسنتك مهما طال الزمن
حبيبي عمري ما احس بندم
والليل الطويل والسهر وأيام الألم

وابعتلك سلامى مع طيور الأمل
حبك ريح قلبى طول الزمن
وأسأل بحر الغرام
كان لنا على شطه مكان
مليان بالحب والود و الأمان
مهما غبت حسنتاك فى المكان
اللى كنا نجلس فيه زمان
ولحظة الغروب كان لينا ذكرى كمان
سلام لحبيبي اللى راح وخلقى المكان
وتركنى مليان أحزان
حبيبي فاكر أيامنا زمان
ولا راح الشوق والحب والحنان
حسنتاك فى نفس المكان

دخلنا مكة

دخلنا مكة

والقلوب بالفرحه مملية

ورافعها ايديها الناس

تدعي رب العباد

وتقول يارب امحي لي الذنوب ديه

وأمسح الجته من بلوة الذنب

دا الجته مبليه

ودخل وشاف وأصبح يبكى

وقلبه فى لحظتها

امتلاً طيبة وحنيه

أترى البشر بالذنوب ممليه

يارب توب علينا

ورجعلنا الحنان والحنيه

والحياة أيام جاية وأيام معدية

ومش هيبقى بين البشر

غير الحب وصفو النيه

خلوا بالكم دا الناس تعبانة

وف لقمة العيش ملهية

يارب استر على العباد

من الأيام الجاية
وفى النهاية
أقول الصورة مش واضحة
دا فى الزمن الغريب أصبحت مخفية
أمى

أمى يا نبع الحنان
يا إسم مخلوق من الطيبة والحب والإحسان

أُمى يا حُضن دائماً محسُنى بالأمان
يا حُضن دَفّانى من البرد على مر الأزمان
أُمى يا فرحة فى سكة الأحزان
أُمى تيجى على نفسك
مهما حصل ومهما كان
لو القمر غاب انتى مش هيغيب حبك
من قلبى فى اى زمان ومكان
أُمى يا نور طريقى فى عز الظلام

افترقنا على الطريق

افترقنا على الطريق

بكيتى انتى وبكيت انا

واحسنا بخنقه وضيق
رحلتى وقلبك
ملئ بالأحزان والضيق
وجلست أنا أعاتب الزمن
لماذا افترقنا على الطريق
قال لى أنه القدر فرق بيننا
وضاع منكم الحب
وضاع البريق
تمنيت أعيش بجوارك
حتى لو كانت الدنيا فى ضيق
ولكن افترقنا على الطريق
تمنيت فى نفسى ان تكونى
لى الحبيب والصديق
كان حبك وحبى

من النوع الرقيق
لا يحتمل الضيق
كان حبنا دائما بسيط
وفيه روح الفريق
انه لا يحتمل الضيق
و أصبحت ذكريات الحب
لنا هو الصديق
ولكن افترقنا على الطريق

كنا متعاهدين

مش كنا متعاهدين

نبقى اخوة واصدقاء متحابين

لكن يوم وراء يوم خدنا الكلام
ونزلنا فى بحر غرام وحنين
ومشيننا فى سكة العاشقين
واحنا مش حاسين
وكوتنا نار العاشقين
ياما كوت قبلينا ناس تانيين
واحنا يا ناس مساكين
مهما قربنا ولا بعدنا
دائماً للرؤى مشتاقين
مين زيك مين يا احلى العاشقين
وانتى يا حبيبتي مختلفة
عن كل البشر والناس التانيين
لو كنا مع بعض نحس
إنه فوق السحاب طايرين

تعالى نبعد بعيد عن الأحران
ونعيش حياة مليانة حب وحنين
وننسى أى أيام صعبة
بتعدى على العاشقين
متخافيش يا حبيبتي مين ينسى
عشق وحب السنين
حتى لو نزلت دموعك
دائما ببقى عليكى حزين
يا حب وعشق السنين

بطل بالرجوع

يا أرضي الحبيبة عودي

أنا دمعني على خدودي

وطني هو عشقي ومعشوقي

نفسى أرجع تانى أوطانى
علمك فوق صدري عنواني
سوريا مين عليكي الجاني
بعزف عنك أحلى ألحاني
عشت فيكى أحلى أيامي
سكتك صعبة قدامى
درو بك تريخ أبدانى
قمرك ينور الطريق قدامى
إنتى حبي وحنانى
أرض العرب كلها اوطانى
الحياة فيكى شكل تانى
سورى مجروح وبعانى
من بعدك يا أوطانى

اننى عنوانى

وحبك جوا القلب

كل يوم يزيد عن التانى

شمسك غريبة يا اوطانى

واسمك وسام على صدرى وهو عنوانى
مصر أمة مفيش زيك فى الدنيا تانى
وان بعدت يوم عنك تكثر أحزانى
ميتك تروى العطشان فى ثوانى
وتطفى نار لهيب أحزانى
والبعد عنك يضيع حتى عنوانى
حبيبتي مهما غبت عنك راجعك تانى
ولو بعدت عنك دائماً وحشاني
حبيبتي دائماً انتى حبي وعنوانى

الدنيا ويش فيها

حبيبى اصحى بلا زعل

وقولى الدنيا ويش فيها

تعالى نعبر الأحزان ونعديها
دا الدنيا ما تساوى لحظة زعل فيها
خلي الفرحة فى حياتنا
والأيام الصعبة نعديها
عيش اللحظة واستمتع بقى بيها
لحسن يجى يوم
تجرى عليها ما تلاقىها
ظن ظنونك إن الحياة حلوه بما فيها
واعبر بحياتك وعدي بقى منها
وبكره يضيع العمر والدنيا ويش فيها
خلي الفرحة فى حياتنا ونسعد بقى بيها
وسيب الأيام الصعبة وحاول تعديها
وفى النهاية تسكن مقابر
واسمك يبقى ذكرى فيها

الحنين

تركت الصعيد

والزرع والطين

وجيت للقاهرة

وكلى شوق وحنين

مشيت وسط البشر
لقيت وشوش تانيين
فين راحت القيم والمبادئ
وسط البني آدمين
ناس ماشيه فى الشوارع
تعبانيين تاهين
يجروا يمين وشمال
وفى لقمة العيش ملهين
ناس تسهر الليل بطوله
وفى النهار نايمين
وناس مليانه فرحه
وناس عايشه حزن وأنين
وناس محترمة للغاية
وناس مش محترمين

وناس تمشى معاك من البداية للنهاية

وبيك حاسين

وناس فيك مش سائلين

حتى لو عطوك ميعاد مش جايين

وناس تتكلم عن بعضها

ويقتلوا الإحساس فى البني ادمين

وناس ولاد أصول

ما تسمع ليهم صوت

كأنهم مش قاعدين

يا حزنى عليكى يا قاهرة المعز

كنتى أرض المحترمين

دي كانت زياره من سنين

ولكن صدرى امتلاً حزن وأنين

مع السلامة يا كل البشر والبني ادمين

اللى بالبشر والناس مش حاسين
دا وصف للقاهرة اليوم والأيام الجايين
راجع بلدنا بتوجع ومليان حزن وانين

شعر رائع

شعر رائع
فكرنى بالمواجع
وعمر ضائع
فى زمن عدى عليه
فى الغربة قلب عليه المواجع

ليه نشرتوها
خليتوا الإنسان فى توها
يحسوها اللى عاشوها
ضاعت منهم الذكرى الحلوة
وما يقدروا يرجعوها
وكل المغتربين
فعلا عايشين فى توها
ونفسهم يرجعوا الأيام الحلوة
وفين بعد العمر ما ولى يلاقوها
ونفسهم يرجعوا بس الكل يقول
مصر عايشه فى توها
وفى النهاية يسافروا ويودعوها
والناس اللى معندهمش
ضمير سرقوها

يارب تعود مصر

قبل الأجناس ما يضيعوها

عودة غريب

يا مصر نفسى اجيئك

وارتمى فى حضنك

وانزل دمعى فى مناديلك

وحشاني فيه نيلك

اندهى وانا البى
الطلب واجيلك
واشرب من ميه نيلك
واعيش تحت نور قنديلك
واشم عطرك واسهر ليك
دا انا ابنك وحبيبك
وخليلك
حتى لو طلبتى عمرى اديلك
دا انتى لو مرضتى
فوق كتافى اشيلك
دا انا بعكس مراية ضميرك
لانى طالع من طينك
حتى لو شربت المر فى ويلك
دا انتى أمة تسعدنى

فى ليلة عيدك
ودائما تمسحى دمة وليدك
نفسه يعيش أيام فى عيدك
دا انا نبته خضرت فى أرضك
وكبرت وترعرت على مية نيلك

بقيت شاعر

بقيت شاعر

يا وأكل امك

وبالناس شاعر

ومحدث شاعر بيك

وقلبه مكوى غير أمك

ارجع يا ولدى

كفاية ولا يهملك
دا الخير كتير
وحشكش الناس
وخالك وعمك
بكفياك يا ولدى
لحسن تتوه فى الغربية
ومتلقيش حد يلمك
دا انت يا ابنى شاب شعرك
والظهر انحنى
وبقيت اكبر من سنك
بترجاك يا ولدى
ترجع خلاص
كبروا ابوك وامك
يا خوفى يا ابنى

يجرى الزمن منك
وتلحقش تعيش سنك
يا ابنى قالوا عليك شاعر
ابعتلى قصيدة
وسمعى بقى فنك
نفسى تعيش حياتك
وتخلف فى الدنيا ظنك
ارجع يا ابنى
هنسعدوك ونشيل الحمل
بعد الغربة عنك
لو البعد بينا دام
كنت قتلته قبر يلمك
بعث الواد ضناى ولا همك
مش جديد على امك تفضل

طول العمر تشيل همك

فاكره يامه

فاكره يامه

لما كنا فى أحلى لمه

فاكره يامه لما نمت على رجلك

والعصفور فوقنا عنه

فاكره يامه لما كنتى صبيه

وضحكك ليه رنه

فاكره يامه لما تعبتي

وجبتى البنت منه
فاكره يالامه لما كنت اجبك
طلبات من دكان مينا وحنه
فاكره يالامه لما بتاع الفول
كان يقف قدام البيت ويستنى
فاكره يالامه لما كنت اتكلم كتير
تقولى يا واد كفاية زنه
فاكره يالامه من كتر أكل الحلاوه
تجبنى غمه
فاكره يالامه لما رحنا رحلة
وقلتى امسك ايد اختك
لحسن تتوه عن مكانه
فاكر يالامه لما روحنا الجنينه
وزام الأسد و جرينا من مكانا

فاكِر ياامه لما كنتى تقولى
 اسكت علشان الناس تشيد باديها
 فاكِر ياامه لما خفت
 ورقتينى عند الشيخ معنه
 فاكِر ياامه لما تعب ابويه
 ولقيناه فى المندره لمة
 فاكِر ياامه لما كان يطلع ابويه
 وكنا كلنا للخير نستنى
 فاكِر ياامه لما كنتى تحكيلنا حدوته
 وكنا نستغرب وتقولى زمنكم غير زمانا
 فاكِر ياامه لما كنتى تسهرى
 ليلة العيد تحضرى هدومنا
 فاكِر يااما لما مات محمد الحو
 وجات على غسله عصفورة من الجنة

لا ترحل

لا ترحل حبيبى انا بستناك
روحت وخذت قلبى معاك
قلبى طول عمره يتنفس هواك
ترحل وتسيبنى كنت خدنى معاك
انا اللى عمرى ضاع فى هواك
لو غيبك العمر كله حسنتاك

انا بسهر الليل اناجى هواك
ولازم تفتكر حبنا وانت هناك
ولو قرب الرجوع
يبقى منايا ومناك

لجام قلبى

عندما يفلت لجام قلبى
ويخلق فى سماك
وقلبى لا يستطيع التنفس
إلا من هواك
كيف المصير
والوصول إلى ثناك

أنت كل شوقى
وهنايا هناك
لا أستطيع العيش
بعدك
وتمنيت دائما
فى الدنيا بقاءك
تمنيت أعيش
العمر فى فناءك
ودائما يكون لى ولاك
انت شوق القلب
وكيف الوصول إلى سماك

.....

بحر الفراه

أحببتك

وغرقت في بحر الغرام

والموج عالى

وحبك لا يهدأ ولا ينام

ومن بعدك

أبحرت أنا بغير عنوان

أبحث عنك
لكى أصل بك إلى الشيطان
ولكن قلبي دليلي
لا يعرف في حبك هوان
تعالى نعيش الحياة بالحب
والود وننسى الأحزان
حبك جوا دمي
رغم اني عشقتك غصب عنى
وصبح حبك يجرى فى دمي
والليل طال عليه وكتر همى
ليه دائما تخلف فيك ظنى
والحياة صبحت عندى تمنى
ونفسي اشوفك غصب عنى
فين حبك والليالى

كانت بالحب تغنى
فبين أيام الأمانى والتمنى
روحاً وقولت
ظروفاً غصب عني
ولا في يوم شيلت الحمل عني
ليه انت غريب طبعك عني
كنت فاكراً حبيبي عايل همي
ولكن خلفت في الدنيا ظني
ياللي حبك يجرى في دمي
خليني أبعد
خليني أبعد زى زمان
لما شفتك رجلى الحنان
خايف أرجع لنفس المكان
انت اللى قسيت عليه فيه زمان

ليه ضيعت الحب اللي كان
ليه نسيت الحب والحنان
لما كنا نبعد دائما للبعض مشتاقين
خليني أبعد زى زمان
انت اللي خدعت قلبي ملكش أمان
خلي جرحي نايم
متصحيش أوجاع زمان
انا مش حملك
دا انتة الحب اللي كان
اعذريني
اعذريني مهم طال الزمن اذكريني
بحبك وحيات حبي وحنيني
اللي كذب عليكى
ضيع الصفا صديقتى

حبك على ايدى
اتولد طول سنينى
عمرى ما كنت مخادع
وانتى تعرفنى
اسالى كل الناس عليا
وبعدين عاقبنى
وقلبك يصرخ
بين الضلوع و ينادينى
ليه تقطعى الود
من غير ما تكلمينى
سيباني فى الدنيا أمشى
وانتى بتظلمنى
مهما طال الزمن
هاتعرفى الحكاية وتشكرينى

لو الشمس غابت
انتى ضيّ وقناديلی
لو دموعك نزلت
بيکتر حزنى وانينى
لو انجرحتى قلبى
بيتقطع عليكى صدقتى
والقلب يقول
حبیبى راح
وانا حبیس بين الأعضاء
ارحمنى

بنّ الجيران

فاكره ايام زمان
والحب والشوق والحنان
يا بنت الناس الطيبين
كان لينا أحلى ذكريات
والذكرى الحلوه والعمر اللي فات
كنا نصحى بدرى فى الصباح

وكان حلمنا مليون براح
يا ترى الحلم راح
وكنا نروح المدرسة فى سكات
وكانت لينا احلى ذكريات
بنت الجيران
حب مليون أمان
ولكن كل منا راح فى سكات
وتغير العنوان والمكان
وراح مننا الأمان
دا حكاية بنت الجيران

ندوای الجروح

تعالیٰ یا أمی

ندوای الجروح

وانا بنزف علی شباب

فی سیناء بروح

حبیبتی یا أمی

من أسوان

إلى مطروح
وشمس الظلم
كل يوم
فى الآفاق بتلوح
باكتبلك يا أمى
يا حزينه عليه
بين ما اروح
ونفسى اشوفك
مليانه بالفرحه
قبل العمر
منى ما يروح
متى تعود البهجه
والفرحه والحزن منى
يروح

نوهنى

فى الشوارع

فى الميادين

فى الحارات

توهتى يااما

وراحت أجمل

وأحلى الذكريات

قلّتوا بنينا للجيل اللى عدا

واللى جاى واللى فات

لسه الناس

بتنام تحت الكباري

وبتدور فى الزباله

على الفتات

مصر لا انت انت

ولا الزمان هو الزمان

تغيرتى

ودب الغلاء

فى كل مكان

والشعب من البلاء

مليان احزان

كله ليه

انا حبي كله ليه
وسهرت الليل أناجيك
مهما غبت أنا مستنيك
ولو بكيت العمر عليك
دمعى مش هيكفيك
مين فى الدنيا زيك

وحبى ما يكون غير لك

إرجع ربنا يهديك

هفضل العمر كله مستنيك

حبیبی

حبیبی

لو الناس كلها وحشانی

لما بقعد معاك

بنسى الدنيا كلها

واعيش فى دنیا تانى

دا انت عشقى وحبى وأحلامى

دا انت القمر
الى ينور الضلمة قدامى
دا انت سحر العيون
مفيش زيك فى الدنيا تانى
حاسس شمسك
لما بتنور يبقى علشانى
وشعرك لما بيهفهف على الخدود
تبقى الدنيا وحشانى
واحضانك بتعد الايام حبيبي وبتستناني
وايديك لما تلمس جسدى
بحس برعشة ربانى
وجمالك من دون البشر
جمال ربانى
وانت فى عينى

أحلى من كل البشر
داخل وخارج اوطانى
واتمنيت فى حياتى
إنك تملا على طول مكانى
وتمنيت القدر يبعد عنك حتى أحزانى

مالك يا دنيا

مالك يا دنيا معاندانى
كل ما امشى لقدام ترجعيني تانى
كل ما اسيب الحزن ورايا
امشى الاقية قدامى
وبقت فيكى مرة كل أيامى
وكرر فيكى انينى واحزانى

دائما بتقضى على كل احلامى
والفرحه فيكى دائما مخصصانى
وكل ما اقفل جرح تفتحى واحد تانى
وبقت فيكى صعبة كل أيامى
ضيعتى حتى الحب والامانى
شكلى جيت فى زمن غير زمانى
وكترت فيكى احزانى
دوستى عليا كانى انسان انانى
وكل شوية من الاسى
الدموع تنزل من تانى
حرقت كل وجدانى
وحيات المرار اللى فى حلقى
داب ومرر كل أيامى
يا مر يا مرمر انا هقدر عليك هقدر

حتى لو مرك اكثر من الحنظل
لو دخلت فى الحشى خنجر
وامشى فى ليك الاسود واتمختر
دا وعد ومقدر وأنا من كتر الغلوب متكدر
ماشى فيكى على طول يا دنيا متشمر
اوعى تخلقى بشر فيكى يتآمر

رباعيات

تتساقط سنين العمر مثل أوراق الشجر
ويمضى بنا العمر كما كتب لنا القدر
ومهما طال الزمن لا بد من الخريف المنتظر
إنها الحياة تمشى بنا مثل ضى القمر

.....

الحب مش كلام دا اهتمام
دا إحساس يهز الكيان
ويخلى العاشق يسهر الليل ما ينام

ويفكر دائما فى والأحلام والامان

عشقتك ومشيت فى درب الهوى
وكان حبك لى هو الداء والدوا
اين انت من عشقى وكل هذا الهوى
حبيبى من كثرة حبك قلبى انكوا

.....

انتظرك حبيبى على ضوء الشموع
وقلبى تعب من غيابك وموجوع
الانتظار طال حتى وصل للضلوع
وخلف الشرفة بانتظرك وبحلم بالرجوع

الكاتب في سطور

الاسم / أبو العز أحمد محمود كريم
الشهرة / عز أحمد الكريّمات / شاعر عامية وحر
خريج / معهد فنى تجارى
من محافظة سوهاج /مركز المنشاه/روافع العيساوية نجع القنطرة
ونشرت فى جريدة الخط الساخن وجريدة المستقبل العربى اليوم
من مواليد 1969/2/5 من أبناء صعيد مصر
حاصل على المركز الثالث فى المسابقة الكبرى فى شهر رمضان
المركز الثالث على مستوى الوطن العربى
وحاصل على المركز الأول فى العديد من المجلات
وصدر لى ديوان مشترك مع مجلة همس مصر
باسم ضفاف المشاعر ، وديوان مشترك بعنوان حرب بلا راء مع
مجلة أنامل الشعراء

الفهرس

م	القصيدة	الصفحة
1	بطاقة الكتاب	2
2	الزمن الجميل	3
3	مصر الهوى	6
4	حكاية مصرية	9
5	جوه القلب	12
6	راحت	14
7	صرخة شعب	17
8	أكتوبر نسيم الحياة	20
9	أنا العاشق	22
10	رياح القدر	24
11	الحزن والأنين	26
12	عوديلي	28
13	إنسى يا قلبي	30
14	رحلة عذاب	32
15	حسنتاك	35
16	دخلنا مكة	37

39	أمي	17
41	افترقنا على الطريق	18
44	كنا متعاهدين	19
47	بحلم بالرجوع	20
49	انتي عنواني	21
51	الدنيا ويش فيها	22
53	الحنين	23
56	شعر رائع	24
58	عودة غريب	25
61	بقيت شاعر	26
64	فاكرة يالامه	27
67	لا ترحل	28
69	لجام قلبي	29
71	بحر الغرام	30
77	بنت الجيران	31
79	نداوي الجروح	32
81	توهتي	33
83	كلي ليك	34
85	حبيبي	35
88	مالك يادنيا	36
91	رباعيات	37
93	الكاتب في سطور	38

94	الفهرس	39
----	--------	----